



### Chesa Münsterhof en Val Müstair

Kevin e Linus Meyer mainan da nov il Münsterhof che vegn transferì en appartaments.

9



### In nov hotel a Lantsch

Daniel Köppel ha manà durant 25 onns trais hotels en l'Asia. Uss maina el il hotel Sarain a Lantsch.

12

südostschweiz

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Bein ordinai e survigliai: Documents digl archiv dil cumin dalla Cadi.

FOTO H. HUONDER

## La memoria dil cumin

Igl archiv dil cumin dalla Cadi ei in scazi

DA HANS HUONDER / ANR

■ Igl onn 2015 ein ils cumins vegni aboli. Perdetgas dallas dertgiras circuitalas dattan lur archiv. Quel dil cumin dalla Cadi sesanfla en casa da scola Consa Mustér. In'egliada ella localitad el plaunterren sveglia spert igl interess. Gia la cumparsa dils cudischs ligiai lai supponer ch'ei dessi bia da perscrutar e d'intervignir dallas vischnauncas e dils vischins digl anteriur cumin dalla Cadi. Igl archiv Gion Tenner targlina buca ditg sin la damonda tgei document che seigi il pli prezios en quei archiv:

«Quei ei segiramein il protocol d'uiara cun ils Franzos.» El pren il cudisch bein ligiau e manteni ord il regal. Schegie ch'il scarvon aveva ina biala scartira impedeschan entgins punachels la capientscha per singuls plaid. Quei ei denton mo in da biars auters cudischs. «Igl archiv ei vegni reorganisau igl onn 1971», di igl anteriur mistral Heinrich Huonder. Siu bab Ludovic ch'ei staus archivar dil cumin era vegni incaricau da far quella lavur ed aschia da procurar per sistematica egl archiv.

➤ PAGINA 5

## Bunas schanzas ella fiera da lavur

La giuventetgna cun in diplom professional ei per gronda part garegiada

DAD ANDREAS CADONAU / ANR

■ Giuvens e giuvnas cun in diplom professional da mistergner san per gronda part eleger lur plaz da lavur, els ein tschercai.

Paul Schwendener, il cau digl Uf-feci cantunal d'industria, mistregn e lavur, ha fatg attent alla demografia ed alla munconza d'attractivitat da diversas spartas d'emprendissadi che hagian schau crescher il basegns per personas dil fatg en plirs mistregns. Numnau ha el per exempel mecanists d'auto, miradurs sper ulteriuras branschas. Gest ils emprendists che han retschert il diplom en quellas branschas e che termineschan las jamnas proximas lur emprendissadi san eleger lur plaz da lavur. Bunas schanzas da restar en la regiun han ils mistergners futurs che vulan luvrar vinaron en Surselva. Era egl intschess sur igl Uaul Grond ein divers patrums alla tscherca dad emploi dil fatg. Empau dapli fadigia han las absolventas ed ils absolvents dalla scolaziun mercantila. Sco quei che Schwendener ha relatau ei igl emprendissadi mercantil bein fetg tschercaus. Il diember dad emprendistas ed emprendists



Cun in diplom professional enta maun ein las schanzas sin la fiera da lavur intactas.

MAD

corrispunda buca dil tutfatg als basegns dalla fiera. La giuventetgna demuossa denton d'ia flexibilitad da tscherca plazzas sch'ei sto esser

ordeiver la Surselva ed il cantun Grischun ed ella fa stedi diever dil sistem dual da formaziun. Aschia ch'ina eventuala disoccupaziun

dad in giuvenil cuoza en media sullet treis meins.

➤ PAGINA 3



Ord vesta dallas studentas Saskia e Megan ei la veta en Svizra lungurusa. Lur amitga Sina Darms da Glion (amiez) sa cumprovar ad ellas che quei seigi auter.

FOTO P. DUFF

## Brat cultural denter ils gimnasis da Mustér e Westerford Kapstadt

■ (anr/ff) Il gliendisdis vargau ei ina grappa da students ed accompignaders ord l'Africa dil sid arrivada a Mustér sin viseta al gimnasi dalla claustra. «Der Weg nach oben» senumna in slogan dalla scola claustrala ed el senn dil plaid han ils Africans stuiu ascender la via teissa dalla staziun alla claustra per arrivar al final da lur viadi da sur quendis uras. Ussa passentan els treis dis ella Sur-

selva e cuntineschan silsunter il viadi atras l'Europa. L'Agentura da novitads rumantscha ha priu la caschun da far in discuors cun duas studentas dil continent african. Ellas han anflau bia laud per nosa cuntrada. «Lungurusa» descrivan ellas denton nosa veta segira e calma en Svizra. Quels beins che nus appreziein zun fetg.

➤ PAGINA 3

## Divertiment pulpiu

■ (anr/abc) 150 affons ein s'annunziati pil divertiment da stad dalla Pro Juventute, district Foppa.

En tut porscha il pass da vacanzas dil district Glion e contuorn duront treis jamnas 32 pusseivladads per in prezi unitar da 30 francs. Gronda accoglientescha anfla mintgamai la viseta tiels pumpiers e tier la polizia. Tuts participonts retscheivan il BüGa. Buca mo las treis novas responsa-


blas prestan lavur cumina e voluntaria. Era tut ils pli differents instruiders, menaders ed accompignaders ch'ei drova per insomma saver porscher tut prestan lavur voluntaria. Numerusas firmas ed instituziuns possibiliteschan il pass da vacanzas cun donaziuns e cun surpender ina dallas purschidas.

➤ PAGINA 5



Biars affons selegnan sil program dil pass da vacanzas ch'il district Foppa dalla Pro Juventute porscha puspei uonn.

FOTO A. BEELI



Igls treis giuvens innovativs: Curdin Meier, Nino Cajochen e Julian Cavigelli (da san.).

FOTO G. N. STGIER

## Novs mecatronics: Buna idea

■ (anr/gns) Aint igl Grischun vainsa bagn radond 50 pendicularas, tgi dat er otg mats tgi fon en emprendissadi da mecatronist da pendicularas, chegl è ple u manc angal ancunachaint a persungas dalla branscha. Treis dad els on preschento ier a Lai ena lavour professionala fatga aposta per la scola da professiun a Meiringen. Igls treis cum-

pogns on gia l'ideia da far ena ballasoua cun gioufs dad en runal e cun skis vigls. Quatter deis on igls mats gia per la construcziun da chella ballasoua singulara. Igls treis giuvenils en loschs da lour lavour ed anc pi loschs en els tgi igl product scu tal vign duvro ed è betg ia aint igl fier vigl.

➤ PAGINA 12



30027



9 771424 749004

Servetsch d'abunents e da distribuziun: tel. 0844 226 226 mail: abo@somedio.ch